

Riiksuávtõõzz asetõs

räahtum jie'll'ji tue'jjeem skäädai oudbeä'lnn cõggmõõžžâst da ko'rvvummšest uvddum riiksuávtõõzz asetõõzz 2 da 7 § mu'ttmest

Riiksuávtõõzz tu'mmstõõgg meâldlânji muu'ttet räahtum jie'll'ji tue'jjeem skäädai oudbeä'lnn cõggmõõžžâst da ko'rvvummšest uvddum riiksuávtõõzz asetõõzz (115/2023) 2 § 1 da 3 mome'ntt di 7 §, nõkkmen gu tõk liâ, 2 § 1 da 3 mome'ntt asetõõžžâst 678/2024 di 7 § pie'kken asetõõžžâst 678/2024, puõ'ttinalla:

2 §

Euroopp unioon riiktuärjõs-siõttõõllmõõžž suávvummuš

Jie'llemviõkk-kõõskõõs ij vuážž miõttâd räahtum jie'll'ji tue'jjeem skäädai oudbeä'lnn cõggmõõžžâst da ko'rvvummšest uvddum lää'jj 10 §:st ju'rddum veä'kkie'gõõ, 15 §:st ju'rddum ko'rvvõõzz le'be 26 §:st ju'rddum tuärjõõzz mädd- da meä'cctäällvuu'd da jânnamvuu'di riiktuärjõõžžâst uvddum komissio keäitõõzzi (2022/C 485/01) 23 päi'kest ju'rddum vaiggâdvuõdin âarrai põrggsa. Ko'rvvõõzz le'be tuärjõõzz vuážž kuuitâg miõttâd, jõs vaiggâdvuõdin âarmõš lij kidd ko'rvveemvuâla skäädõõdmõõžžâst.

Jie'llemviõkk-kõõskõõõzz âlgg õlmstâ'tted aalmilaž teâttnee'ttest teâdaid 1 mome'ntest peäggum keäitõõzzi 112 päi'kest ju'rddum teâdain.

7 §

Teâdai i'lmmtõs- da seeiltemõõlgtemvuõtt

Jie'llemviõkk-kõõskõõõzz âlgg raaukeen tääimted mädd- da meä'cctäällministeriaa'je 2 § 1 mome'ntest peäggum keäitõõzzi 650 päi'kest ju'rddum ee'kkõõlgtõõzz õõlgtem teâdaid räahtum jie'll'ji tue'jjeem skäädai oudbeä'lnn cõggmõõžžâst da ko'rvvummšest uvddum lää'jj nuájja miõttâmvuâla veä'kkie'gõõ da ko'rvvõõzzi beä'lnn.

Jie'llemviõkk-kõõskõõõzz âlgg i'lmmted mädd- da meä'cctäällministeriaa'je teâdaid Euroopp unioon tääimtumšest tue'jjuum suáppmõõžž 107 da 108 artikla suávvummušest vää'nnmiärktõõzzlâž tuärjõ'sse kue'llsee'llem- da čää'ccšâddeemsue'rjest uvddum komissio asetõõzz (EU) N:o 717/2014 nuájja miõttum tuärjõõzzin meersa jäänmõsraaj kuõskki õõlgtemvuõdi vuáppmõõžžân.

Jie'llemviõkk-kõõskõõõzz âlgg seeiltem teâdaid 1 mome'ntest peäggum lää'jj meâldlâž veä'kkie'gõõ- da ko'rvveemtu'mmstõõggin di kõõžlââ'dd pie'zzraajjâmtuejjumšid vuáddõõvvi kue'lltäälltuärjõõstu'mmstõõggin lââi ee'jj ääi'j.

Tât asetõs šâdd viõ'kke 1 peei'v õõdee'jjmannust 2026.

He'Issnest 18.12.2025

Pirrõs- da äimmõsminister Sari Multala

Lää'jjšiõtteemjää'dtee'jj Johanna Korpi